

# Pemangkin pertumbuhan ekonomi selepas Covid-19

**PETALING JAYA:** Rancangan Malaysia Ke-12 (RMK12) akan menjadi pemangkin kepada pertumbuhan ekonomi mampan untuk Malaysia setelah pandemik Covid-19 merencatkan usah-usaha yang telah dilaksanakan selama ini.

Menteri Kanan Perdagangan Antarabangsa dan Industri, Datuk Seri Mohamed Azmin Ali berkata, agenda pembangunan yang dibentangkan oleh Perdana Menteri, Datuk Seri Ismail Sabri Yaakob kelmarin, bersumberkan pemikiran strategik jangka panjang.

Ia juga mempunyai perencanaan komprehensif yang akan melonjakkan ekonomi ke tahap lebih tinggi, menjana pertumbuhan rancak serta mampu mencipta kekayaan untuk dikongsi oleh Keluarga Malaysia.

Kata beliau, RMK12 adalah lanjutan usaha bekas Perdana Menteri, Tan Sri Muhyiddin Mohd. Yassin yang memulakan libat urus dengan pelbagai pihak sebagai langkah yang inklusif.

Tambah beliau, peruntukan sebanyak RM400 bilion mena-hirkan komitmen kerajaan untuk mendepani cabaran-cabaran



**KEMENTERIAN** Perdagangan Antarabangsa dan Industri akan menggerakkan usaha untuk menjayakan matlamat di bawah RMK12.

ekonomi global yang dinamik.

“RMK12 mengunjurkan sasaran jumlah purata pelaburan swasta setiap tahun sebanyak RM258 bilion. Untuk mencapai sasaran ini, kementerian akan memperkukuhkan asas-asas ekonomi negara dengan memberi tumpuan dalam usaha menggalakkan perdagangan dan pelaburan terbuka, telus

serta mesra-perniagaan.

“Kerajaan akan meratifikasi Perjanjian Kerjasama Ekonomi Komprehensif Serantau (RCEP) dan Perjanjian Komprehensif dan Progresif bagi Perkongsian Trans-Pasifik (CPTPP) yang akan memberi akses pasaran lebih luas kepada industri tempatan,” katanya dalam kenyataan, semalam.